



**Նախագահ
ենրի Բ. Այրինգ**
Առաջին Նախագահության
Առաջին Խորհրդական

Տիրոջ ճայնք

Վարդապետություն և Ուխտերը հրավիրում են բոլոր մարդկանց ամենուր լսել Տեր Հիսուս Քրիստոսին (տես ՎևՈՒ 1.2, 4, 11, 34, 25.16): Այն լի է Նրա ուղերձներով, նախազգուշացումներով և քաջալերող հորդորներով՝ տրված ընտրյալ մարգարեներին հայտնության միջոցով: Այս հայտնություններում մենք կարող ենք տեսնել, թե ինչպես Աստված կարող է պատասխանել մեր հավատքով ասված աղոթքներին՝ հրահանգների, խաղաղության և նախազգուշացման ուղերձներով:

Մեր աղոթքներում մենք փնտրում ենք իմանալ, թե ինչ է Աստված ուզում, որ մենք անենք, թե ինչ պետք է մենք անենք, որ գտնենք խաղաղություն և երջանկություն այս և հաջորդ կյանքում և թե ինչ է սպասվում մեզ առաջիկայում: Վարդապետություն և Ուխտերը լի է նմանատիպ հարցերին տրված պատասխաններով, որոնք հարցրել են սովորական մարդիկ և մարգարեները խոնարհ աղոթքով: Այն կարող է թանկարժեք ուղեցույց լինել, որը կսովորեցնի մեզ, թե ինչպես պատասխաններ ստանալ մեր աշխարհիկ բարեկեցության և հավերժական փրկության մասին հարցերին:

Խոնարհությունը և Տեր Հիսուս Քրիստոսի հանդեպ հավատքը բանալին են: Օլիվեր Քաուտերին Տիրոջից պատասխան ստացավ Մորմոնի Գրքի թարգմանությանը օգնելու իր ցանկության հետ կապված. «Հիշիր, որ առանց հավատքի դու ոչինչ չես կարող անել. ուստի, հավատքով խնդրիր: Կատակ մի արա այդ բաների հետ. մի խնդրիր այն, ինչ դու չպետք է խնդրես» (ՎևՈՒ 8.10):

Վարդապետություն և Ուխտերում Տերը կրկին ու կրկին պահանջում է հավատք և խոհարհություն՝ նախքան Նա կտա Իր օգնությունը: Մրա պատճառներից մեկն այն է, որ Նրա պատասխանները կարող է չզան այնպես, ինչպես մենք ենք ակնկալում: Ոչ էլ դրանք միշտ հեշտ կլինի ընդունել:

Եկեղեցու պատմությունը և մեր նախնիների փորձառությունները լուսաբանում են այս իրականությունը: Իմ նախապապը՝ Հենրի Այրինգը, ջերմեռանդորեն աղոթեց, որ իմանար, թե ինչ պետք է նա աներ, երբ նա լսեց վերականգնված ավետարանի մասին 1855 թ-ին: Պատասխանը եկավ երազում:

Նա երազում տեսավ, որ սեղանի շուրջ նստած էր Տասներկու Առաքյալների Քվորումից Երեց Էրաստոս Մնոուի և Վիլիամ Բրաուն անունով մի երեցի հետ: Երեց Մնոուն, թվում էր, թե մեկ ժամ ուսուցանեց ավետարանի սկզբունքները: Այնուհետև Երեց Մնոուն ասաց. «Հիսուս Քրիստոսի անունով ես պատվիրում եմ քեզ մկրտվել և այս մարդը [Երեց Բրաունը] կմկրտի քեզ»:¹ Իմ ընտանիքը երախտապարտ է, որ Հենրի Այրինգը հավատք ու խոնարհություն ունեցավ մկրտվելու առավոտյան 7:30-ին անձրևաջրեր ավազանում Սբ. Լոուիս Միսսուրիում ԱՄՆ, Երեց Բրաունի կողմից:

Նրա աղոթքի պատասխանը չեկավ Տիրոջ պարզորոշ ճայնի միջոցով: Այն եկավ գիշերով տեսիլքի և երազի ձևով, ինչպես դա եղավ Լեքիի հետ (տես 1 Նեփի 8.2):

Տերն ուսուցանել է մեզ, որ պատասխանները նաև

կարող են գալ որպես զգացմունքներ: Վարդապետություն և Ուխտերում Նա ուսուցանել է Օլիվեր Քատլերիին. «Մհա, ես կասեմ քեզ քո մտքում և քո սրտում, Սուրբ Հոգով, որը կիջնի քո վրա և որը կմնա քո սրտում» (ՎևՈՒ 8.2):

Եվ նա այսպես քաջալերեց Օլիվերին. «Խաղաղություն չխոսեցի՞ ես քո մտքին այդ հարցի վերաբերյալ: Ավելի մեծ ի՞նչ վկայություն կարող ես դու ունենալ, քան Աստուծոց»: (ՎևՈւ 6.23):

Վարդապետություն և Ուխտերը, Եկեղեցու պատմությունը և իր մկրտությունից անմիջապես հետո իր միսիայում Հենրի Այրինգի կողմից պահված պատմությունը ուսուցանել են ինձ, որ պատասխանները կարող ենք գալ որպես նախազգուշացման, ինչպես և խաղաղության զգացումներ:

1857թ. ապրիլին Տասներկու Առաքյալների Քվոքումից Երեց Փարլի Փ. Փրաթը այցելեց համաժողովի մի վայրում, որն այժմ Օկլահոման է՝ ԱՄՆ: Հենրի Այրինգը գրառել է, որ Երեց Փրաթի «միտքը լի էր ճնշող նախազգացումով . . . , չկարողանալով հասկանալ ապագան կամ վտանգավոր փորձությունից խուսափելու որևէ եղանակ գտնել:»² Դրանից անմիջապես հետո Հենրին գրառեց Առաքյալի նահատակության տխուր նորությունը: Երեց Փրաթը շարունակեց առաջ գնալ իր ճանապարհով՝ չնայած, որ ուներ վտանգի զգացողություն, ճիշտ ինչպես Մարգարե Ջոզեֆն արեց՝ Քարթեջ գնալով:

Իմ վկայությունն է, որ Տերը պատասխանում է հավատքով ասված խոնարհ աղոթքին: Վարդապետություն և Ուխտերը և մեր անձնական փորձը սովորեցնում են մեզ, թե ինչպես նկատել այդ պատասխանները և հավատքով ընդունել դրանք, լինեն դրանք առաջնորդություն, ճշմարտության հաստատում կամ նախազգուշացում: Ես աղոթում եմ, որ մենք միշտ լսենք և նկատենք Տիրոջ սիրող ձայնը:

ՀՐՈՒՄՆԵՐ

1. «Հենրի Այրինգի օրագիրը. 1835–1902» (հեղինակին պատկանող չտպագրված ձեռագիր):
2. «Հենրի Այրինգի օրագիրը. 1835–1902»:

ՈՒՍՈՒՑԱՆՈՒՄ ԱՅՍ ՈՒՂԵՐԴԻՑ

1. Խորհեք այս ուղերձի աղոթքի վերաբերյալ պարբերությունները միասին կարդալու մասին: Երբ դուք կարդաք, խնդրեք ընտանիքի անդամներին ուշադիր լսել, թե ինչպես է Աստված

պատասխանում աղոթքներին: Խորհեք աղոթքի կարևորության մասին վկայելու վերաբերյալ:

2. Վարդապետություն և Ուխտերը լի է պատասխաններով՝ տրված ի պատասխան հարցերին, որոնք մարդիկ տվել են աղոթի միջոցով: Ի՞նչ կլինեք, եթե նրանց հարցերի պատասխանները (հայտնությունները) գրի չառնվեին: Խրախուսեք ընտանիքի անդամներին սովորել նկատել և հետևել Հոգու հուշումներին: Նրանք կարող են աղոթքի վերաբերյալ իրենց մտքերը գրի առնել իրենց օրագրերում:

ԵՐԻՏԱՍԱՐԴՆԵՐ

Լսել հուշումները

Մարիա Իգաբել Մուլիսա

Մի երեկո իմ երիտասարդ զարմուհին տնից փախել էր, ուստի ես շտապեցի գնալ ու փնտրել նրան: Մինչ ես վարում էի մեքենան, ես աղոթում էի, որ Հոգին օգնեք ինձ: Ես գիտեի, որ Աստված կպատասխանեք և կառաջնորդեք ինձ, և ես փորձեցի լսել Հոգու հուշումները: Սակայն, երբ ես ոչինչ չէի կարողանում լսել, ես սկսեցի հուսահատվել և զգացի, որ Հոգին ինձ հուշում չէր տալիս:

Չնայած, որ ես ուզում էի շարունակել փնտրելը, զգացի, որ պետք է մնայի իմ զարմուհու տան մոտակայքում: Ուստի ես որոշեցի մեկ անգամ ևս անցնել այդ տարածքով: Երբ ես կանգ առա խաչմերուկում, ես տեսա քայլող մի երիտասարդ աղջկա ուրվագիծ: Ես գտա իմ զարմուհուն:

Երբ ես դուրս եկա մեքենայից և վազեցի նրա մոտ, ես հասկացա, որ Հոգին առաջնորդել էր ինձ այդ ամբողջ ճանապարհին, օգնելով ինձ զգալ, որ ես պետք է մնայի նույն տարածքում: Քանի որ ես ակնկալում էի լսել հանդարտ ձայն, քիչ էր մնում, որ անտեսեի Հոգու հուշումը: Ես այնուհետև հասկացա, որ շատ անգամ մենք չենք լսի ձայն, սակայն մենք ինչ-որ բան կզգանք մեր սրտերում:

Ես շատ երախտապարտ էի Հոգու առաջնորդության համար: Իսկապես Նա միշտ այնտեղ է: Ինչպես ասվում է սուրբ գրություններում. «Սուրբ Հոգին կլինի քո մշտական ընկերը» (ՎևՈՒ 121.46):

Եթե մենք արժանի ենք Հոգու առաջնորդությանը և ուշադիր ենք, մենք կարող ենք գործիքներ

դառնալ Աստծո ձեռքում, որ բարիք անենք շատ մարդկանց: Հոգու մշտական ընկերակցությամբ մենք կհմանանք ուղիս, որով պետք է գնանք:

ԵՐԵՒԱՆԵՐ

Աղոթքի հետ կապված արկած

Այսագահ Այրիկզը ուսուցանում է, որ Աղոթքները կարող են պատասխանվել տարբեր եղանակներով: Դուք կարող եք արկածներ ունենալ, երբ ուսումնասիրեք սուրբ գրությունները՝ այդ եղանակներից որոշները գտնելու համար:

Բացեք ներքևում տրված սուրբ գրություններից յուրաքանչյուրը: Ձեր օրագրում մի քանի բառ գրեք, որ նկարագրեք, թե ինչ են ասում այս սուրբ գրությունները աղոթքին տրված պատասխանների վերաբերյալ:

Դուք կարող եք նաև գրել ձեր օրագրում ձեր իսկ ունեցած փորձառությունները պատասխանված աղոթքների վերաբերյալ:

Հովհաննես ԺԴ.26

Վարդապետություն և Ուխտեր 6.22-23:

Վարդապետություն և Ուխտեր 8.2

Վարդապետություն և Ուխտեր 9.8-9

Առակաց 8.10-11



Հավատք • Ընտանիք
• Սփոփանք

Միսիոներական աշխատանք

Ուսումնասիրե՛ք այս նյութն աղոթքով և, ինչպես հարմար է, քննարկե՛ք այն քույրերի հետ, ում դուք այցելում ե՛ք: Օգտագործե՛ք հարցերը, որոնք կօգնեն ձեզ ամրացնել ձեր քույրերին և Միտիոող Միությանը դարձնել ձեր սեփական կյանքի ակտիվ մասը:

Վերջին օրերի սրբերը առաջ են ուղարկվել, «որպեսզի աշխատեին [Տիրոջ] այգում՝ մարդկանց հոգիների փրկության համար» (Վե՛ն 138:56), որը ներառում է միսիոներական աշխատանքը: Մեզ հարկավոր չէ պաշտոնական միսիայի կոչ ավետարանով կիսվելու համար: Մեզ շրջապատում են մարդիկ, ում կյանքը կօրհնվի ավետարանով, և երբ մենք պատրաստենք մեր անձերը, Տերը կօգտագործի մեզ: Այցելող ուսուցիչները կարող են գրկաբաց ընդունել իրենց հոգևոր պատասխանատվությունները և օգնել «փրականացնել մարդու անմահությունն ու հավերժական կյանքը» (Մովսես 1:39):

Երբ Մարգարե Զոզեֆ Մմիթը 1842թ. կազմակերպեց Միտիոող Միությունը, նա ասաց, որ կանայք չպետք է միայն հոգ տանեին աղքատների համար, այլ նաև փրկեին հոգիները:¹ Մա շարունակում է լինել մեր նպատակը:

«Տերը . . . վստահում է վկայությունը ճշմարտության մասին նրանց, ովքեր կկիսվեն ուրիշների հետ», - ասել է Առաջին Նախագահության Երկրորդ Խորհրդական՝ Նախագահ Դիտեր Ֆ. Ուիլսոնը: «Նույնիսկ ավելին՝ Տերը սպասում է, որ Իր Եկեղեցու անդամները բացեն [իրենց] բերանները բոլոր ժամանակներում, հայտարարելով [Նրա] ավետարանը

ցնծության հնչումով» (Վե՛ն 28:16): . . . Երբեմն վկայության մեկ հատիկ արտահայտությունը կարող է շարժման մեջ դնել իրադարձություններ, որոնք կազդեն ինչ-որ մեկի կյանքի վրա հավերժության համար:²

Սուրբ գրություններից

Վարդապետություն և Ուխտեր 1.20–23, 18.15, 123.12

Մեր պատմությունից

Նախկին Չեխոսլովակիայից Օլգա Կովարովայի վկայությունը անդամի միսիոներական աշխատանքի օրինակ է մեր Միտիոող Միության պատմությունից: 1970-ականներին Օլգան դոկտորի գիտական աստիճան ստացող ուսանող էր և ծարավ էր ավելի խորը հոգևոր կյանքի: Նա նկատեց 75-ամյա Վերջին Օրերի Սուրբ Օտակա Վոջկովային: «Նա հայտնվեց ինձ իր յոթանասունհինգ տարեկան հասակում, սակայն իր սրտում մոտավորապես տասնութ էր և ուրախությամբ լի», - ասել է նա: «Մա շատ անսովոր էր Չեխոսլովակիայում ցինիզմի այդ ժամանակաշրջանում»:

Օլգան հարցրեց Օտակարին և նրա ընտանիքին, թե ինչպես էին նրանք ուրախություն գտել: Նրանք ծանոթացրեցին նրան այլ Եկեղեցու անդամների հետ և տվեցին

նրան Մորմոնի Գիրքը: Նա կարդաց այն անհամբերությամբ և շուտով մկրտվեց ու հաստատվեց: Այդ ժամանակից սկսած Օլգան բարենպաստ ազդեցություն է գործել քաղաքական ճնշումներով և կրոնական հավածանքներով լի աշխարհում: Նա ծառայել է որպես Միտիոող Միության նախագահ իր փոքրիկ ճյուղում և օգնել է փրկել ուրիշների հոգիները՝ բերելով նրանց դեպի Քրիստոսը:³

ՀՂՈՒՄՆԵՐ

1. *Stu Teachings of Presidents of the Church: Joseph Smith* (2007), 453:
2. Դիտեր Ֆ. Ուիլսոնը, «Սպասելով դեպի Դամասկոս տանող ճանապարհին», *Լիսինս*, մայիս 2011, 76–77:
3. *Stu Իմ արքայության դասարանը. Միտիոող Միության պատմությունը և աշխատանքը* (2011), 92-95:

Ի՞նչ կարող եմ ես անել:

1. Ես հետևում եմ Սուրբ Հոգու հուշումներին, երբ կիսվելով իմ վկայությամբ քույրերի հետ, ում ես այցելում եմ:
2. Ինչպե՞ս եմ ես օգնում իմ քույրերին սովորել ավետարանը:

Լրացուցիչ տեղեկության համար, այցելե՛ք www.reliefsocietylds.org:

© 2013 by Intellectual Reserve, Inc. Բոլոր իրավունքները վերապահված են: Տպագրված է ԱՄՆ-ում: Անգլերենի հաստատումը. 6/12: Թարգմանության հաստատումը. 6/12: *Visiting Teaching Message, January 2013*-ի թարգմանությունը: Armenian: 10661 201